



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1712**

Q. 329. Quid specialiter notandum sit circa jam dicta tempore Sedis  
vacantis in Episcopatu, in quo alternant Episcopus catholicus & Princeps  
acatholicus.

**urn:nbn:de:hbz:466:1-42433**

Capitulum propter hæresim, pestem vel similem causam esset dispersum, tum enim sufficeret etiam ab uno solo Capitulari residente hoc fieri, & id pariter decisum est apud Garciam supra n. 93.

Q. 329. Quid specialiter notandum sit circa jam 2267. dicta, tempore Sedis vacantis in Episcopatu, in quo alternant Episcopus catholicus & Princeps acatholicus. R. Si Episcopus catholicus rexerit & moriatur, tum incipit primus annus Sedis vacantis, ac tenent, quæ hactenus dicta sunt: E contraria si rexerit & moriatur Princeps acatholicus, putavit doctus Canonista tum etiam incipere primum annum Sedis vacantis, adeoque locum habere decretum Tridentini n. 2257. relatum. Rationem dabat, quia caput illius Episcopatus in temporalibus fuit iste Princeps acatholicus, caput autem & veluti Ordinarius in spiritualibus, secundum concordata & dispositionem Pacis Monasteriensis, erat Metropolitanus, pro illo nempe tempore, quo in temporalibus regeret Princeps acatholicus: hoc autem Principe acatholico mortuo censetur commori Metropolitanus respectu hujus Episcopatus, quia desinit ejus jurisdictio spiritualis adeoque videtur incipere Sedes vacare etiam in spiritualibus, saltem fictione Juris pro casu, de quo Jus nihil disposuit. Sed oppositum tenendum est, & cōsequenter dicendum, quod in eo Episcopatu possint, uti antè, fieri Ordinationes & dari dimissoriz etiam non arctatis: Ratio est 1.º quia vacatio Episcopatum est ad modum vacationis Beneficiorum, hæc autem dieuntur vacare per obitum vel cessionem ipsiusmet beneficiati, usque dum novus in eo.

Aaaaa 3

dem

dem verè instituatur, Corrad. I. 3. c. 6. n. 16. & 52. cum communi. 2. Viduitas ecclesiæ est à morte ultimi sponsi usque ad novum Episcopum, id est, usque ad aliquem, qui habeat in spiritualibus supremam potestatem, & cui fiat provisio talis ecclesiæ, Lotter. I. 3. q. 20. n. 118. 119. Barb. De Jure eccles. I. 1. c. 8. n. 6. Debetque nova provisio fieri auctoritate Apostolicâ, Corrad. n. 52. Ideoque viduitas durat usque ad novi Episcopi confirmationem à Papa faciendam, Paris. suprà n. 48. citans *Gloss.* & alios: Tota enim via extinctiva prioris vacationis attribuitur actui legitimæ collationis, quæ succedit, Asc. Tamb. de Jure Abb. in decis. 25. rotali n. 2. & 4. Lott. I. 3. q. 1. n. 19. citans alios. 3. Quamvis Papa alicui Episcopatum vacantem dedisset in commendam vel ad administrandum, tamen per obitum hujus commendatarii vel administratoris non inciperet vacare Sedes, Tamb. p. 1. d. 4. q. 6. Garc. p. 4 c. 4. n. 64. ergo similiter hic. 4. Quando Tridentinum prohibet dare dimissorias tempore Sedis vacantis in primo anno, nomine vacationis venit vera & non ficta vacatio, id est, vacatio per mortem vel cessionem veri Episcopi, Paris. de Resign. I. 12. q. 10. n. 25. ergo Decretum illud prohibens & restrictivum Juris communis extendi non debet ad vacacionem tantum politicam, quæ tantum respicit gubernationem temporalem.

*Objicies.* Capitulum in hoc casu solet statuere vel confirmare Vicarium in pontificalibus & spiritualibus, ergo signum est, quod Sedes censeatur tum incipere vacare etiam canonice. *Respondeo* n. conseq. nam mortuo Principe acatholico cessat administratio Metropolitani, qui non

non implebat Sedem, & jurisdictionis spiritualis, quæ à Capitulo post primum annum vacationis venerat ad Metropolitanum, mortuo Principe acatholico revolvitur ad Capitulum, & iterum connectitur cum jurisdictione temporali, quam tum etiam recipit Capitulum. De cætero potest Suffraganeus ex facultate à Metropolitanu concessa pergere exercere pontificalia, dummodo Capitulum non reluctetur, sicuti si accipisset ab Episcopo mortuo talem facultatem, dato quod esset primus annus vacationis, facultas illa non exspirasset per mortem Episcopi concedentis, Sanch. De Matrim. l. 8. d. 28. n. 64. & 82. Themudo cum Diana p. 8. t. 4. R. 72. Fermo, suprà n. 1. maximè si Capitulum confirmârit hunc Suffraganeum etiam tanquam vicarium, non enim potest semel à se constitutum dejicere sine causis & causarum cognitione, Castrop. t. 13. d. 2. pu. 29. n. 7. Barb. De Jure eccl. l. 1. c. 32. n. 47. & alii, quos citant: nec etiam potest Capitulum concessam semel potestatem limitare, Garc. p. 5. c. 7. à n. 25. & alii, maximè cum potestatem eam acceperit à Metropolitanu, Garc. n. 34. Leur. q. 510. Nihilominus post jurisdictionem iterum devolutam ad Capitulum, inconveniens non est, si talis vicarius recognoscat suos Principales, & petat confirmationem à tali Capitulo, quod sciet, quid de Jure facere possit aut debeat.

Q. 330. Quid addendū sit circa titulum Ordinationis. *¶* De hoc ita statuit Trid. sess. 21. c. 2.

De Reform. Cum non deceat eos, qui divino Ministerio adscripti sunt, cum Ordinis dedecore mendicare, aut sordidum aliquem quæstum exercere; compertumque sit complures plerisque in locis ad sacros Ordines

Aaaa 2 4

nul-